

Eñe , & Rñe Domine . **C**um inter informandum pro Congregatione diei 10. Maii proximè præteriti, in qua fuit dilata resolutio audiverimus omnes ex EE. PP. convenire in credendo, quod in præfenti Causa super electione P. Magistri de los Rios in Provinciam Provincie Bethycæ omnes prorsus ab fuerint violentiæ, omnes suffragiorum aucupationes, omnesque alii prohibiti ambitus, & monopolia, tum quia quidquid super hoc non sine magna animositate fuit à quibusdam Religiosis contrariis adinventum, & etiam ab aliquibus manifesta cum falsitate depositum, ut ostendimus in nostro memoriali additionali, nullatenus valuit probari, ex quo nihil certum potuerit ab ullo deponi, sed dumtaxat sub quodam imaginario rumore innixo præfensam famæ divulgatæ de dictis violentiis, & aucupationibus suffragiorum, quod tamen à plurimis depositionibus in contrarium datis in nostris Summariis poenitus poenitusque excluditur, & oppositum concludentissime probatur videlicet summæ libertatis, rectitudinis, & quietis, qua Capitulum fuit celebratum.

Tum etiam quia aliter præsumi non poterat ob præfidentiam Excellentissimi Archiepiscopi Hispalensis, Viri adeò eximii tam nobilitate, quam morum probitate, ac pietate, nec non etiam doctrina, cujus propterea assistentia bene credi poterat, quod si quid per malam Hypothesim minus licitum machinari voluisset occasione hujus Capituli, ab ipso Excellentissimo Archiepiscopo prorsus fugatum, dissipatumque extitisset, ut omnia plena Religiositate explerentur pro bono Provincie, ut ad eam regendam optimus Religiosus eligeretur, quemadmodum talis est noster Provincialis de los Rios.

Sed ab aliquibus ex ipsis EE. PP. auditum fuerit, quod tota difficultas ab eis reducebatur quoad coactionem eligendorum, ex quo sex tantum fuerint ab eodem Excellentissimo Archiepiscopo nominati, hinc ut quicumque scrupulus super hoc eliminetur oportunitum duximus aliquid subungere ultra ea, quæ in antea scriptis ex. gr. reassumendis deduximus.

Dicimus itaque hoc objectum nullam habere subsistentiam. Mero siquidem jure inspecto, neutiquam prohibita est propositio, seu restrictio ad aliquas Personas, inter quas electio cadere debeat, ut probat *Pasqualig. quæst. mor. 125. per tot. ubi num. 3. sequendo Lezzan. 10. 1. qu. regul. cap. 15.* sequentem adducit rationem: *Cum secundum Ius electio fieri debeat de dignioribus, nemo privatur de hita libertate, si duo, vel tres digniores nominentur, nec cæteris fit injuria; immo licet juxta communioem Doctorum Sententiam sufficiat*

ficiat tres tantum eligendos proponere, ut latè probavimus ex authoritatibus aliàs laudatis, tamen quod coarctatio excludatur, etiamsi unus tantum fuerit nominatus, plenè probat *Lezzana oper. moral. to. 1. cap. 15. de election. à n. 107. usque ad fin. ex ea vivissima ratione*, quia possunt eligentes se ab electione abstinere, ac sufficit, quod remaneat liberum exercitium eligendi, quod verificatur eo ipso, quod vocales non tenentur præcisè illum unum nominatum eligere.

Multo itaque minùs ulla coarctatio prætendi potest in casu præsentì, in quo ab Archiepiscopo fuerunt selecti sex Religiosi, qui inter omnes alios dignores, & idonei ores esse poterant ad gubernandam Provinciam, inter quas vocales benè poterant eorum plenam libertatem exercere.

Indubitanter verò, quia hæc nominatio ab Excellentissimo Archiepiscopo non fuit facta taxativè, aded. ut præfat. Vocales, si hi sex nominati eis non placuissent, alios quoque eligere non potuissent ultra hunc numerum, ut in nostris terminis observat *Lotter. de re Benefic. lib. 3. quæst. 17. num. 45. & 46. ibi: Qui quidem actus verius est propositio simplex, tamquam de personis visis idoneis &c. nec propterea Proponentes arctat &c. Donat. reg. t. 2. tract. 1. de natur. & for. elect. q. 12. n. 9. ibi: Eo fortiori si coarctatio non sit facta cum aliorum exclusione, ut cum Superior declarat, se per d. limitationem non velle excludere meliores, si quos habent: & Bord. resolut. moral. 26. quæst. 8. num. 25. ibi: Vel quod licèt duo solum proponantur, Superior se tamen declarat, nolle alios excludere, sed illos sibi videri idoneos, præ aliis. Et de facto bene agnoscentes ipsi vocales plenam libertatem eis relictam non obstante nominatione dd. sex ad favorem etiam aliorum duorum fuit ab aliquibus ex eis latum suffragium, unde propterea frustra prætenditur coarctatio, cum iidem vocales facto proprio ostenderint, eos potuisse benevisos eligere, ita, & taliter, quod nominatio facta ab Excellentissimo Archiepiscopo dici potius debeat fuisse resolutam in merum consilium ex firmatis per *Rotam in dec. 37. num. 24. & segg. coram Otthobono ibi: Absque samen aliquò actu coarctationem denotante, quo casu actus ille resolvitur in simplicem nominationem*, ad hoc scilicèt, ut sapientiæ vocales reflectendo ad bonum, utilitatemque Provinciæ, illos præoculis haberent, ex quibus idem bonum, & utilitas verè oriri poterat, id quod nulli melius, quàm eidem Excellentissimo Archiepiscopo innotescere poterat, qui nulla animi præventionè præpeditus, sed immò ad pacem universæ Provinciæ inferendam totus intentus, & unicè coram Deo sollicitus, excogitaverat illos Religiosos proponere, adversùs quos nulla exceptio cadere valeret, undè hilari fronte asserere possumus nullum Capitulum, cum tanta vocalium libertate expleri posse, sive attendatur, quod digno*

digiores fuerunt præpositi pro electione, siue etiam animadver-
tatur, quod erat in potestate vocalium, quem maluissent ultra
nominatos eligere. Quibus non opponitur resolutio huius Sacrae
Congregationis aliàs exadverso citata, & impressa apud *Mat-
theucc. in Official. Cur. Eccles. cap. 18. num. 2.* Loquitur enim in
terminis, in quibus *Prælati Regularis* (sunt eius præcisa ver-
ba) *proponit duos, vel tres, ex quibus necessario eligatur unus:*
quod longe distat à nostris terminis, in quibus Excellentissimus
Præses non solum non arctavit vocales, ad necessario eligendum
unum ex sex qualificatis Religiosis, ab ipso nominatis, sed ro-
tundis literis omnibus vocalibus declaravit: *E tornò à replicare,
che l'elezzione poteva cadere in qualsivoglia proposto da S. E. ed in
qualsivoglia del grémio, che fusse atto à quel Ministero, secondo
le Costituzioni dell'Ordine: Iterum, & tertio repetendo, che
secondo la loro coscienza dassero il voto à quello, che li gustarà
maggiormente dando à ciascuno la libertà, e lasciandoli nel loro
libero arbitrio, e spontanea volontà.*

Hæc robur assumunt reflectendo ad nostri Ordinis Constitutiones,
earumque inviolatam observantiam, quibus mediantibus in ple-
no arbitrio Patris Generalis positum est restringere electiones ad
certas Personas; quodque id omnino permissum sit, siue ob non
repugnantiam juris, ut supra demonstravimus, siue ex autori-
tate ipsarum Constitutionum, siue denique vigore consuetudi-
nis tradunt *Donat. rer. regular. tom. 2. tract. 1. quæst. 10. num. 16.*
Passerin. de elect. cap. 2. num. 16. Lezzan. Carmelita oper. moral.
tom. 1. cap. 15. de elect. n. 107. & pluribus seqq.

Neque relevat, quod nec Constitutiones, nec Consuetudo de-
pendenter ab ipsis introducta haberi possint in consideratione,
quia prædictæ Constitutiones non sint confirmatæ Apostolica au-
thoritate, vel quia Patres Generales pro tempore, nunquam
usi sint hac facultate restringendi nominationem ad certas perso-
nas, sed duntaxat ad certum genus personarum, puta ad Ma-
gistros.

Etenim quidquid sit de confirmatione Apostolica, quæ non est præ-
sentis inspectionis, cum nobis sufficiat easdem Constitutiones
Ordinis esse in plena, ac viridi observantia, non modo non con-
tradicente Sede Apostolica, sed etiam annuente eò quia consti-
tutiones cuiuscumque Regularis Familiæ semper tamquam Leges
inviolabiliter in illa servandæ sunt, ut determinatum fuit in *Con-
cil. Trid. sess. 25. de Regular. cap. 7. ibi: In reliquis servantur
singulorum Ordinum, vel Monasteriorum Constitutiones: ac ob-
servant adducti per bo. me. Ansal. dec. 61. num. 24. ibi: Negle-
cta fuit forma Constitutionum, quæ cum debeant in hac materia
tamquam Leges ad unguem observari, ut ait Abbas &c. cum de*

catere, ut supra probavimus etiam in puncto Juris talis restrictio
utique possit admitti.

Minimè verò subsistit, quod PP. Generales pro tempore hac facultate non fuerint usi, licet enim nominaverint certum genus personarum, semper tamen adjecerunt Clausulam præscriptivam, quod id agere intelligebant absque præjudicio juris eis competentis dictam nominationem restringendi præcisè, & taxativè ad certas personas, extra quas nulla alia posset eligi, ut ex particulis datis in nostris *Summar.* ex gratia reassumendis.

Nobis igitur satis esse debet, quod hæc facultas competere valeat Superiori nostri Ordinis, quodque si illa uti noluit, tamen si velit uti possit, neque in hoc ulla sit repugnantia in puncto juris, vel saltem ex lege Constitutionum detur talis facultas, ut recognosci potest in *par. 4. cap. 15. de elect. Provincial.* numer. 2. ibi: *Nullus potest eligi in Provinciale, nisi fuerit nominatus, & presentatus gremialibus Capituli à Priore Generali, vel eius Vicario de ipsius assensu.*

Semper advertendo, quod Excellentissimus Archiepiscopus, licet vigore Epistolarum P. Generalis hanc ipsam facultatem sibi arrogare valuisset, signanter, quia ædem Epistolæ fuerunt registratæ, & ad litteram relatæ in Brevi Sanctissimi Domini Nostri, tamen præfat. Archiepiscopus servando ejus solitum moderamen noluit talem restrictivam taxativè adhibere, sed adhuc non attemptata legitima facultate proveniente, & ab eodem P. Generali, & à S. Sede reliquit in arbitrio vocalium etiam alios eligere, ultra sex nominatos cui circumstantiæ in facto innegabili, in iure non poterit unquam dari adequata responsio.

Verum in his terminis exulat ulterius quæcumq; difficultas, nam dato etiam, nunquam tamen concessio, quod neque P. Generalis haberet hanc facultatem, neque per Breve Apostolicum maior facultas tributa fuerit Excellentissimo Archiepiscopo, quam ea, quæ ipsi Patri Generali competere potuisset dependenter à Constitutionibus & consuetudine, quodque tam dictæ Constitutiones, quam consuetudo repugnarent, quod absolutissimè negamus, attamen cum PP. Vocales non protestati fuerint in Capitulo Provinciali adversus hanc eandem facultatem Archiepiscopo tributam, & adversus nominationem sex Religiosorum ab ipso factam, sibi imputare debent dicti Vocales, quod cum in eorum arbitrio electionem protestationem emittere tempore habili, & antequam ad electionem procederetur, nihilominus propriam libertatem contempnere voluerunt, se seque spontè subiecerunt nominationi factæ hodie Archiepiscopo, unde sequitur, quod nullo modo possint hoc factum proprium impugnare vulgatis iuribus, sed nominatio sex Religiosorum dicatur ab ipsis ex eorum mera, plena, & libera voluntate acceptata, exequuta, & confirmata, ut constanter tradunt Do-

Doctores in præteritis scriptis adducti, & signanter Lezzana dictis locis supra citatis.

Hæc protectio manifestè ostendunt minimè dubitari posse de validitate nominationis factæ ab Excellentissimo Archiepiscopo, sed quatenus adhuc aliqua superesset dubitatio in EE. PP., quod non credimus, esset saltem ad simplicem cautelam, & non alias indulgenda sanatoria ad tollendum omnem, & quemcumque scrupulum, quæ quidem sanatoria tribus rationabilibus, & maximè animaduertendis circumstantijs innititur.

Primo quia præfatus Excellentissimus Archiepiscopus deuenit ad hanc nominationem sex Religiosorum bona fide, tam attenta facultate ei per Epistolas tradita à P. Generali, quam confirmata per Breue Apostolicum, vnde in eius mente nulla vnquam dubitatio cadere poterat, quod talis facultas non adesset in P. Generali, sed sicuti idem Archiepiscopus sollicitus esse non debuerat de inquirenda eadem facultate, immò verè potuit credere, quod in P. Generali adesset attento dicto Breue Apostolico, ita constituto de bona fide Archiepiscopi, subintrat sanatio dictæ nominationis, electionis P. Prouincialis, & totius Capituli, iuxta animaduersa per *Card. de Luc. de Regular. disc. 3. num. 5. ibi = Mala fides non dignoscatur &c. tunc nullitatem sanare solet &c.* istæque est etiam frequens stylus huius *Sac. Congregationis in electionibus Prouincialium.*

Secundo quia vt superius dictum fuit si PP. Vocales, quibus plenè innotescabant Constitutiones Ordinis, tamen audita nominatione sex Religiosorum, & data eis ampla potestate in contrarium dicendi si quid eis ob stare visum fuisset vt resultat ex actibus Capitularibus, nihilo tamen minus quidquam non opposuerunt, proinde ex hac etiam circumstantia non solum inferitur, quod Aduersarij non possint hodie audiri, nec in linea Testium, nec in figura oppositorum ex innumeris concordantibus, quos refert, & sequitur *Roi. in dec. 86. n. 25. cor. Ansaldo, ibi = Non poterant in posteriori pendente lite mendicata attestazione sibi contradicere, neque tamquam Testes, neque tamquam oppositores,* & concordant alij apud *Passarin. de Elect. cap. 32. num. 34. ibi = Regulam generalem esse, vt nullus electioni à se factæ possit opponi &c.* Sed lucidiùs insurgit bona fides dicti Archiepiscopi, quod verè crediderit, vt sicut nullam obstatulum adesse poterat super nominatione sex Religiosorum in iure ex supra firmatis, ita nec ullum obicem præstare valerent Constitutiones, & consuetudo, contra quas nihil fuit oppositum, immò ex numero adeò conspicuo septuaginta nouem Vocalium ex quibus Capitulum fuit compositum, septuaginta quinque adhæserunt Patri de los Rios, vnde inferitur quod nedum ritè, ac maxima cum bona fide Excellentissimus Archiepiscopus credidit nominationem sex Religiosorum posse fieri, sed quod etiam ita pro constanti existimauerint omnes Vocales, atque idcirco indubitanter intret sanatoria, *Card. de Luca de Regularibus disc. 11. num. 12. = Plurici ego practici occasione hu-*
ius.

iusmodi questionum de quibus frequenter super electionibus Provincialium agi contingit in Sac. Congregatione Episcoporum, & Regularium etiam ubi in electione adesset aliquis defectus ob quem de stricto iure illa invalida censenda veniret, adhuc tamen ubi sic nullitas, quæ proveniat solum à subtilitate iuris, adeo ut actus non redolet turpitudinem, seu machinationem Sac. Congregatio solet nullitatem sanare.

Tertio denique nàm cum nota sit. EE. PP. perturbatio huius Provinciae adeo non modo Pater Generalis, verum etiam Summus Pontifex necessarium omnino agnouerit deputandam esse pro tranquilla celebratione Capituli aliquam personam non minus pietate, & Religiositate conspicuam, sed etiam autoritate præfulgentem, & ob id præsentiam dicti Capituli delegaverit Excellentissimo Archiepiscopo, utique in hoc saltem peculiari casu debet concedi sanatoria, quia idem Archiepiscopus, ut bene, & iuxta votum totius Ordinis, & Summi Pontificis munus suum exequeretur, necnon tota Provincia Bethica componeretur optatamque pacem consequeretur, non aliter id posse haberi censuit, quam præeligendo sex Religiosos, quorum quisquis fuisset electus, debitam Regularem observantiam, disciplinam, & tranquillitatem restitueret, quibus omnibus pensatis absolute speramus saltem sanatoriam esse ad cathelam concedendam, prout in similibus circumstantiis semper illam elargiri solet hæc Sacra Congregatio teste *Cardinale de Luca in locis supra citatis.*

Quare &c.

Dominicus Ursaya Advoc.
Gaspar Petraglia.

S A C R A
CONGREGATIONE

Episcoporum, & Regularium
E^mo, & R^mo D. Card.

S. A G N E T I S
P O N E N T E

*Ordinis Carmelitarum Provincia
Bethyca.*

P R O

Rmo P. Didaco Thoma de los Rios
& litis &c.

C O N T R A

R.P. Josephum Zonzales Sandoual,
& Iltis & c.

Novus Restrictus Facti, & Juris

✿ Typis Zinghi, & Monaldi 1726. ✿